


13.04.2010.	Oslobođenje		
Strana, naslov:	Str. 6 – Efikasnije usluge investitorima		
Autor	n/a		
Rubrika, mjesto	Vijesti		
Površina	6 cm x 13 cm	Ocjena:	0
Ključna riječ	Općinski sud Sarajevo, Goran Salihović		


*Ocjena: P – Pozitivna, 0 – Neutralna i N – Negativna



Efikasnije usluge investitorima

Premijer FBiH Mustafa Mujezinović jučer je posjetio Općinski sud Sarajevo, gdje je informiran o pravnim pretpostavkama za strana ulaganja u BiH, odnosno o servisiranju potreba potencijalnih investitora, te o radu ovog najvećeg suda u BiH. Razgovor s predsjednikom Suda Goranom Salihovićem bio je prilika i za razmjenu mišljenja iz domena položaja nositelja pravosudnih funkcija i pitanjima koja se tiču pružanja boljih, efikasnijih i jeftinijih usluga bh. građanima.

Kako je u izjavi datoj nakon sastanka istakao premijer Mujezinović, neposredan povod za posjetu i razgovore u Sudu jesu zaključci Sarajevo Business Forum, odnosno potreba za promptnim postupanjem sudskih organa kada je riječ o potpori investitorima i osiguranju uvjeta za strana ulaganja, o čemu su interes iskazali sudionici Forum.

13.04.2010.	Dnevni avaz		
Strana, naslov:	Str. 9 – Mujezinović u sudu lobirao za Malezijce !?		
Autor	F. Vele		
Rubrika, mjesto	Teme		
Površina	15, 5 cm x 22 cm	Ocjena:	0
Ključna riječ	Općinski sud Sarajevo, Goran Salihović		

*Ocjena: P – Pozitivna, 0 – Neutralna i N – Negativna

SARAJEVO Šta se krije iza iznenadne posjete premijera FBiH

Mujezinović u sudu lobirao za Malezijce!?

Ljudi ovdje uvijek nastoje prevariti investitore iz Malezije, kazao Mujezinović
● Sudije opet upozorile na težak položaj

Federalni premijer Mustafa Mujezinović tokom jučerašnje posjete Općinskom sudu Sarajevo, gdje se susreo s predsjednikom tog suda Goranom Salihovićem, zainteresirao se za slučaj jednog malezijskog investitora!

U najmanju ruku, bio je to primjer kako aktualna vlast javno vrši pritisak na jednu pravosudnu instituciju, za ko zna kakve interese.

Doček s fanfarama

Premijer Mujezinović objasnio je da mu je, zapravo, samo „želja da svi koji dođu da investiraju u BiH budu unaprijed upoznati s ovdašnjim pravnim sistemom“, kako se „ne bi dešavale neke stvari koje bi poslije iskrsnule kao problemi prema tim ljudima“. No, onda je otkrio istinu...

Povod za ovo jeste da je jedan bivši državnik zamolio da premijer FBiH pogleda jedan slučaj kada je u pitanju investitor iz te zemlje. Možda je bila greška tog investitora, ali zamoljen sam da vidim kako ide taj proces - kazao je Mujezinović.

Tek na upit novinara potvrdio je da se radi se o investicijama iz Malezije i da je reagirao zato što je „bivši premijer Malezije Mahatir Muhamed na nedavnom Bi-



S jučerašnje posjete Općinskom sudu Sarajevo. Interesi premijera FBiH

znis forumu pitao za sve investitore koji su ovdje“.

Kada dođu ovamo, mi ih dočekamo s fanfarama, ali kada izađu na teren, suočeni su s konkretnim ljudima koji ih uvijek nastoje prevariti. Mislim da se takva praksa u budućnosti mora izbjegavati, jer ne možemo držati promocije ulaganja, a da istovremeno imamo ljude koji žele prevariti partnere. Sud je spreman da efikasno riješi te sporove ako oni nastanu - zaključio je Mujezinović.

Na pitanja o kojim se konkre-

tno investicijama radi i kolika je njihova vrijednost, Mujezinović nije želio odgovoriti, istakavši da je riječ o „poslovnim tajnama“.

Potrebna tri miliona

Dok je federalni premijer malo lobirao, Salihović je u ime svog suda i Udruženja sudija u BiH, čiji je potpredsjednik, još jednom upozorio na nedopustivo težak položaj u kojem se nalaze bh. sudije. A sudije zbog lošeg položaja odlaze u advokate, notare, institucije, banke...


Salihović je istakao da su za reguliranje obaveza svim sudijama potrebna tek tri miliona maraka više, što je, kako je rekao, zanemarlivo malo u odnosu na činjenicu da su budžeti države, entiteta i Brčko Distrikta čak četiri milijarde KM.

F. VELE

Ambasador pa premijer


Premijer Mujezinović od 2004. do 2008. godine bio je ambasador BiH u Kuala Lumpur, pa je zanimljivo, a po-

malo i indikativno, što se od svih stranih investitora zainteresirao upravo za onoga iz Malezije!?

13.04.2010.	Dnevni list		
Strana, naslov:	Str. 3 – Prosvjed radnika		
Autor	n/a		
Rubrika, mjesto	Događaji		
Površina	4 cm x 8 cm	Ocjena:	0
Ključna riječ	Općinski sud Sarajevo		

*Ocjena: P – Pozitivna, 0 – Neutralna i N – Negativna



13.04.2010.	San		
Strana, naslov:	Str. 15 – Mujezinović : Sudovi trebaju podržati strane investitore		
Autor	A. Žigo – Opijač		
Rubrika, mjesto	Događaji dana		
Površina	19 cm x 19 cm	Ocjena:	0
Ključna riječ	Općinski sud Sarajevo		

*Ocjena: P – Pozitivna, 0 – Neutralna i N – Negativna

Federalni premijer u sarajevskom Općinskom sudu lobirao za Malezijce

Mujezinović: Sudovi trebaju podržati strane investitore

Treba činiti sve da se ne bi dovelo u pitanje povjerenje potencijalnih investitora u bh. pravni sistem i promovisati najbolju praksu u tom pogledu, poručio Mustafa Mujezinović

Federalni premijer Mustafa Mujezinović izjavio je jučer da su povod za njegovu posjetu sarajevskom Općinskom sudu zaključci sa nedavno održanog biznis foruma o potrebi za brzim postupanjem sudskih organa kada je riječ o podršci investitorima i osiguranju uslova za strana ulaganja.

Primamljiva obećanja

Mujezinović je razgovor sa predsjednikom suda Goranom Salihovićem iskoristio i za razmjenu mišljenja o položaju nositelja pravosudnih funkcija i pitanjima koja se tiču pružanja efikasnijih i jeftinijih usluga građanima. Mujezinović je pohvalio rad suda i izrazio spremnost da pruži punu podršku nositeljima sudske vlasti da bi se njihov status u pogledu plaća i drugih naknada izjednačio s nivoom koji važi za izvršnu i zakonodavnu vlast. S druge strane, Salihović je ovu posjetu shvatio kao podršku nezavisnom pravosuđu.

-Općinski sud je spreman na izazove iz domena stranih investicija ili bilo kojih ulaganja te za postu-



Mujezinović obećao veće plaće sudskim službenicima

(Foto: S. Omerbašić)

panje u skladu s važećim zakonima kojima je regulirana ta oblast - kazao je Salihović.


"Slučaj" Mahathir

Odgovarajući na pitanje novinara o "slučaju" koji je bio direktan povod za njegovu posjetu Sudu, Mujezinović je rekao da se radi o investicijama iz Malezije "o čemu se interesirao bivši premijer te zemlje

Mahathir Muhamed".

-Treba činiti sve da se ne bi dovelo u pitanje povjerenje potencijalnih investitora u pravni sistem u BiH, odnosno promovisati najbolju praksu u tom pogledu, uključujući kvalitetno i blagovremeno informiranje stranih investitora o pravnim i drugim pretpostavkama na tom planu - dodao je Mujezinović.

A. Žigo Opijač

13.04.2010.	Nezavisne novine		
Strana, naslov:	Str. 9 – Sudovi u BiH treba da pomognu investitorima		
Autor	D. Muminović		
Rubrika, mjesto	Događaji		
Površina	13 cm x 25 cm	Ocjena:	0
Ključna riječ	Općinski sud Sarajevo, Goran Salihović		

*Ocjena: P – Pozitivna, 0 – Neutralna i N – Negativna



Sudovi u BiH treba da pomognu investitorima

D. MUMINOVIĆ

SARAJEVO - Sudski sporovi tjeraju strane investitore iz naše zemlje i potrebno je da domaći sudovi urade sve da što prije riješe sporove koji nastanu prilikom pokušaja ulaganja novca u BiH.

Kazao je ovo Mustafa Mujezinović, premijer FBiH, nakon jučerašnje posjete Općinskom sudu u Sarajevu, najvećem sudu u BiH.

Premijer FBiH ovaj sud je posjetio nakon što je Mohamed Mahatir, bivši premijer Malezije, nedavno skrenuo pažnju Mujezinoviću da su određeni investitori iz Malezije imali problema prilikom pokušaja investiranja u BiH.

"Kada investitori dođu u BiH, mi ih dočekamo sa lovorikama, a kada dođu na teren, ljudi nastoje da ih prevare. Ukoliko se

sudski sporovi sa investitorima ne rješavaju brzo i efikasno, to će otjerati sve buduće investicije iz te zemlje", rekao je Mujezinović, ne želeći da precizira koji su investitori iz Malezije imali problema u BiH.

Istakao je da je zadovoljan informacijama koje je dobio iz Općinskog suda u Sarajevu.


"Impresioniran sam onim što

**Gubici
Ako sudski sporovi ne budu rješavani brzo, to će otjerati sve buduće investicije iz zemlje, rekao Mujezinović**

je urađeno u najvećem sudu u BiH. Budućim investitorima ćemo reći da imaju partnera u Općinskom sudu u Sarajevu", kazao je Mujezinović.

Goran Salihović, predsjednik Općinskog suda u Sarajevu i potpredsjednik Udruženja sudija BiH, ustvrdio je da je ovaj sud spreman za izazove stranih investicija.

"Sastanak smo iskoristili i da premijera FBiH upoznamo sa diskriminacijom sudija u odnosu na nosioce izvršne i zakonodavne vlasti. Tražimo da se sudijama i tužiocima riješi pitanje toplog obroka, troškova prijevoza na posao, troškova za odvojeni život, naknada za dežure i prava na otpremninu", naglasio je Salihović dodavši da je za rješavanje ovih materijalnih pitanja sudija i tužilaca potrebno oko tri miliona KM.

13.04.2010.	Nezavisne novine		
Strana, naslov:	Str. 14 – Oduzeto 14 automobila zbog prekršaja		
Autor	D. Muminović		
Rubrika, mjesto	Hronika		
Površina	33 cm x 6 cm	Ocjena:	0
Ključna riječ	Općinski sud Sarajevo		

*Ocjena: P – Pozitivna, 0 – Neutralna i N – Negativna

Oduzeto 14 automobila zbog

D. MUMINović

SARAJEVO - Pripadnici MUP-a Kantona Sarajevo od maja prošle godine oduzeli su 14 automobila i četiri motora u sklopu akcije konfiskovanja vozila vozačima koji su počinili veliki broj najtežih saobraćajnih prekršaja

U policiji ističu da svjesno usporavaju procedure u ovim slu-

čajevima jer i na taj način sankcionišu nesvesne vozače.

"Imamo zakonsku obavezu da u roku od godinu dana protiv osoba kojima je oduzeto vozilo podnesemo prekršajnu prijavu. Automobila oduzimamo od osoba koje konstantno krše najstrože saobraćajne propise, poput vožnje u alkoholiziranim stanju, prevelike brzine, prolaska kroz crveno svjetlo. To su neodgovorni vozači i ni mi ni slu-

žbenici Suda ne žurimo u pravosnažnom rješavanju ovakvih slučajeva", kazao je Nusret Selimović, komandir Jedinice za saobraćaj MUP-a Kantona Sarajevo.

Opštinski sud u Sarajevu samo je u slučaju Denisa Konde trajno oduzeo vozilo. Njege su pripadnici Jedinice za saobraćaj MUP-a KS evidentirali 207 puta, uglavnom zbog vožnje bez položenog ispita. Kondi su oduzeta tri vozila. Jedno

**Oduzimanje
Automobile
oduzimamo
od osoba koje
konstantno
krše najstrože
saobraćajne
propise**



prekršaja

je trajno oduzeto, dok ostala dva slučaja pravno nisu okončana.

"Iako svi slučajevi oduzimanja vozila nisu završeni, akcija koja je za cilj imala sprečavanje saobraćajnog teroriziranja građana Sarajeva dala je rezultate. U 2009. godini saobraćajne nesreće s obilježjima krivičnog djela, tj. saobraćajne nesreće s najtežim posljedicama, smanjene su za trećinu", rekao je Selimović.

Opštinski sud je u tri slučaja vlasnicima vratio privremeno oduzeto vozilo jer nije bilo osnova za trajno zadržavanje zaplijenjenih auta.

"Sud radi svoj posao, ali i sama činjenica da je vozilo više od pola godine u našim hangarima poruka je da se neće tolerisati nepoštivanje saobraćajnih propisa i ugrožavanje drugih u saobraćaju", poručio je Selimović.

INTERNET PORTALI

12.04.2010.	http://www.sarajevo-x.com/bih/politika/clanak/100412068		
Prilog:	Mujezinović posjetio Općinski sud Sarajevo		
Autor	(FENA)		
Rubrika	-		
Trajanje	-	Ocjena:	0
Ključna riječ	Općinski sud Sarajevo, Goran Salihović		

*Ocjena: **P** – Pozitivna, **0** – Neutralna i **N** – Negativna

Mujezinović posjetio Općinski sud Sarajevo

Premijer Federacije BiH Mustafa Mujezinović danas je u pratnji sekretara Vlade Ismeta Trumića i predstavnika Federalnog ministarstva pravde posjetio Općinski sud Sarajevo (OSS) gdje je informiran o pravnim pretpostavkama za strana ulaganja u BiH, odnosno o servisiranju potreba potencijalnih investitora te o radu ovog najvećeg suda u BiH.

Razgovor s predsjednikom OSS-a i dopredsjednikom Udruženja sudija BiH Goranom Salihovićem bio je prilika i za razmjenu mišljenja iz domena položaja nositelja pravosudnih funkcija i pitanjima koja se tiču pružanja boljih, efikasnijih i jeftinijih usluga bh. građanima.

Kako je u izjavi datoj nakon sastanka istaknuo premijer Mujezinović, neposredan povod za posjetu i razgovore u OSS-u jesu zaključci "Sarajevo Business Foruma", odnosno potreba za promptnim postupanjem sudskih organa kada je riječ o potpori investitorima i osiguranju uvjeta za strana ulaganja, a u vezi sa čim su interes iskazali sudionici Foruma.

Mujezinović je, istovremeno, pohvalio rad OSS-a te potcrtao spremnost da pruži punu potporu nositeljima sudske vlasti da bi se njihov status u pogledu plaća i drugih naknada izjednačio s nivoom koji važi za izvršnu i zakonodavnu vlast.

U ime domaćina - OSS-a, federalnog premijera i njegove saradnike pozdravio je predsjednik ovog suda Goran Salihović, ocijenivši da njegovu posjetu shvata kao potporu neovisnom pravosuđu.

Naglasio je da je OSS spreman na izazove iz domena stranih investicija, ili bilo kojih ulaganja te za postupanje u skladu s važećim zakonima kojima je regulirana ta oblast.

Sagovornici su konstatali da će izvršna i sudska vlast nastaviti razvijati partnersku saradnju, a radi predupređivanja i razrješavanja svih eventualnih nedoumica.

Mujezinović je, odgovarajući na novinarsko pitanje o tome koji je to "slučaj" bio povod za njegovu posjetu OSS-u, kazao da se radi o investicijama iz Malezije o čemu se interesirao bivši premijer te zemlje Mahathir bin Mohamad.

Istovremeno, potcrtao je da treba činiti sve da se ne bi dovelo u pitanje povjerenje potencijalnih investitora u pravni sistem u BiH, odnosno promovirati najbolju praksu u tom pogledu, uključujući i kvalitetno i blagovremeno informiranje inozemnih investitora o pravnim i drugim pretpostavkama na tom planu.

(FENA)

12.04.2010.	http://www.sarajevo-x.com/bih/drustvo/clanak/100412105		
Prilog:	Bivši radnici "Sarabona" zasad neće dobiti plate		
Autor	(Sarajevo-x.com), N. Jamaković		
Rubrika	-		
Trajanje	-	Ocjena:	0
Gljučna riječ	Općinski sud u Sarajevu		

*Ocjena: **P** – Pozitivna, **0** – Neutralna i **N** – Negativna

Bivši radnici "Sarabona" zasad neće dobiti plate

Manji broj bivših radnika "Sarabona"- povjerilaca okupio se jutros u zgradi Sindikata BiH u Sarajevu kako bi još jednom skrenuli pažnju javnosti na činjenicu da od bivše firme nisu naplatili potraživanja.

Piše: N. Jamaković

Jedan od njihovih predstavnika, Asim Vlajčić, je za Sarajevo-x.com istakao kako su očekivali da im bude isplaćeno osam plata nakon što je prodana pokretna imovina preduzeća.

"Krajem prošle godine prodane su mašine, kiosci i vozila, u funkcionalnom stanju, firmama u Visokom, Laktašima i Srbiji. Budući da je ova imovina sudskim vještačenjima procijenjena na 3,2, odnosno kasnije na 3,7 miliona KM, očekivali smo da se iz tih sredstava radnicima isplati osam plata. No, to se nije desilo, pa smo se zato opet okupili", rekao nam je Vlajčić, napominjući kako bivši radnici neće odustati od svojih potraživanja, koja je potvrdio i Općinski sud u Sarajevu.

Precizirao je kako svaki od 218 bivših uposlenika "Sarabona" potražuje između 20 i 40 hiljada KM. Međutim, Hamdo Duraković, predsjednik Odbora povjerilaca, koji je po nalogu Skupštine povjerilaca prodao pokretnu imovinu, potvrdio nam je kako je pokretna imovina nakon nekoliko neuspjelih prodaja, na kraju prodana za nešto više od 700.000 KM.

"Uglavnom se radi o mašinama koje su kupile firme 'Vispak' Visoko, 'Zoka trade' Rudo, 'Produkt' Kruševac, 'Dado trade' Bugojno i druge", pojasnio je Duraković.

Ali, novac od pokretne imovine radnici, barem zasad, neće vidjeti, jer, prema riječima stečajnog upravnika Salke Omerbašića, nema dovoljno novca za isplatu osam plata.

"U Zakonu o stečajnom postupku jasno su navedeni prioriteti za naplatu iz sredstava od prodaje imovine preduzeća. U ovom slučaju novac od pokretne imovine bit će usmjeren za troškove stečajnog postupka", ističe Omerbašić.

Pojašnjava kako su među troškovima stečajnog postupka i sudski troškovi radnika koji su tužili "Sarabon" za nematerijalnu štetu, odnosno duševnu bol, nakon što su dobili otkaze.

"Te procese je izgubilo 96 radnika. Iz ovih 700.000 će biti pokriveni i njihovi sudski troškovi, ali će im taj iznos kasnije, prilikom naplate potraživanja biti oduzet", kaže Omerbašić.

Za razliku od Vlajčića, on ističe kako novac od "Sarabona" potražuju 182 radnika, od kojih je njih 75 već otišlo u penziju, nakon što je Vlada Kantona Sarajevo uplatila troškove za uvezivanje njihovog staža.

"Od ostalih 107 radnika jedan dio njih se snašao i rade u drugim firmama, dok je jedan manji broj bez posla. Pretpostavljam da ih je u zgradu Sindikata danas došao manji broj, jer ljudi koji rade nisu mogli doći", govori stečajni upravnik.

Potvrdio je kako je nepokretna imovina "Sarabona" bila procijenjena na 20,8 miliona, ali i istaknuo kako je on nije uspio prodati ni nakon 23 pokušaja, čak ni po nižoj cijeni.

"Sad je po odluci Kantonalnog suda u Sarajevu za prodaju nepokretne imovine 'Sarabona' nadležno izvršno odjeljenje Općinskog suda Sarajevo. Budući da je ta imovina pod hipotekom, prednost pri naplati potraživanja iz sredstava od njene prodaje imat će Hypo banka, Vakufska banka, Poreska uprava, a onda i bivši radnici", naveo je Omerbašić.

(Sarajevo-x.com)

12.04.2010.	http://www.fena.ba		
Prilog:	MUJEZINOVIĆ POZVAO NA OKONČANJE PROCESA REFORMI U SEKTORU BORAČKO-INVALIDSKE ZAŠTITE		
Autor	(Fena) gk/mb		
Rubrika	-		
Trajanje	-	Ocjena:	0
Gljučna riječ	Općinski sud u Sarajevu		

*Ocjena: **P** – Pozitivna, **0** – Neutralna i **N** – Negativna

MUJEZINOVIĆ POZVAO NA OKONČANJE PROCESA REFORMI U SEKTORU BORAČKO-INVALIDSKE ZAŠTITE

SARAJEVO, 12. aprila (FENA) - Premijer Federacije BiH Mustafa Mujezinović danas je uoči sastanka s predstavnicima boračkih organizacija izrazio očekivanje da će ti razgovori rezultirati odgovarajućim rješenjima te da neće biti potrebe za organiziranje boračkih protesta, najavljenih za 21. april. Komentirajući novinarsko pitanje u vezi s najavljenim boračkim protestima, Mujezinović je još jednom upozorio na bolne posljedice po bh. građane koje bi izazvalo eventualno ukidanje stand-by aranžmana s Međunarodnim monetarnim fondom (MMF-om).

"To bi bilo vraćanje na status koji bi sve građane naše zemlje duboko pogodio", kazao je Mujezinović tokom posjete Općinskom sudu u Sarajevu.

U tom kontekstu, premijer Federacije BiH pozvao je predstavnike boračkih organizacija da se angažiraju na završetku procesa reformi u sektoru boračko-invalidske zaštite te da se odupru pokušajima manipuliranja od određenih političkih snaga.

Istovremeno, podržao je inicijativu boračkih udruženja za uvođenjem općeg cenzusa koji će onemogućiti ekstraprimanja izabranih i imenovanih funkcionera i administracije na federalnom i kantonalnom nivou.

Mujezinović je odbacio spekulacije o navodnim pokušajima Vlade da podijeli boračka udruženja, ocijenivši da se, u nemogućnosti lične diskreditacije onoga ko provodi reforme, pribjegava izmišljotinama.

Dodao je da ima dovoljno saboraca i prijatelja u svakoj od boračkih populacija te da mu na pamet ne pada bilo šta što ne bi bilo u njihovom interesu, pri čemu mora voditi računa i o interesu svih građana FBiH.

(Fena) gk/mb

12.04.2010.	http://www.fena.ba		
Prilog:	MUJEZINOVIĆ POSJETIO OPĆINSKI SUD SARAJEVO		
Autor	(Fena) gk/mb		
Rubrika	-		
Trajanje	-	Ocjena:	0
Gljučna riječ	Općinski sud u Sarajevu, Goran Salihović		

*Ocjena: **P** – Pozitivna, **0** – Neutralna i **N** – Negativna

MUJEZINOVIĆ POSJETIO OPĆINSKI SUD SARAJEVO

SARAJEVO, 12. aprila (FENA) - Premijer Federacije BiH Mustafa Mujezinović danas je u pratnji sekretara Vlade Ismeta Trumića i predstavnika Federalnog ministarstva pravde posjetio Općinski sud Sarajevo (OSS) gdje je informiran o pravnim pretpostavkama za strana ulaganja u BiH, odnosno o servisiranju potreba potencijalnih investitora te o radu ovog najvećeg suda u BiH. Razgovor s predsjednikom OSS-a i dopredsjednikom Udruženja sudija BiH Goranom Salihovićem bio je prilika i za razmjenu mišljenja iz domena položaja nositelja pravosudnih funkcija i pitanjima koja se tiču pružanja boljih, efikasnijih i jeftinijih usluga bh. građanima.

Kako je u izjavi datoj nakon sastanka istaknuo premijer Mujezinović, neposredan povod za posjetu i razgovore u OSS-u jesu zaključci "Sarajevo Business Foruma", odnosno potreba za promptnim postupanjem sudskih organa kada je riječ o potpori investitorima i osiguranju uvjeta za strana ulaganja, a u vezi sa čim su interes iskazali sudionici Foruma.

Mujezinović je, istovremeno, pohvalio rad OSS-a te potcrtao spremnost da pruži punu potporu nositeljima sudske vlasti da bi se njihov status u pogledu plaća i drugih naknada izjednačio s nivoom koji važi za izvršnu i zakonodavnu vlast.

U ime domaćina - OSS-a, federalnog premijera i njegove saradnike pozdravio je predsjednik ovog suda Goran Salihović, ocijenivši da njegovu posjetu shvata kao potporu neovisnom pravosuđu.

Naglasio je da je OSS spreman na izazove iz domena stranih investicija, ili bilo kojih ulaganja te za postupanje u skladu s važećim zakonima kojima je regulirana ta oblast.

Sagovornici su konstatirali da će izvršna i sudska vlast nastaviti razvijati partnersku saradnju, a radi predupređivanja i razrješavanja svih eventualnih nedoumica.

Mujezinović je, odgovarajući na novinarsko pitanje o tome koji je to "slučaj" bio povod za njegovu posjetu OSS-u, kazao da se radi o investicijama iz Malezije o čemu se interesirao bivši premijer te zemlje Mahathir bin Mohamad.

Istovremeno, potcrtao je da treba činiti sve da se ne bi dovelo u pitanje povjerenje potencijalnih investitora u pravni sistem u BiH, odnosno promovirati najbolju praksu u tom pogledu, uključujući i kvalitetno i blagovremeno informiranje inozemnih investitora o pravnim i drugim pretpostavkama na tom planu.

(Fena) gk/mb

12.04.2010.	http://www.srna.rs		
Prilog:	OBE SEDMICE URGENTNO PISMO SAVJETU MINISTARA BiH		
Autor	-		
Rubrika	-		
Trajanje	-	Ocjena:	0
Ključna riječ	VSTV		

*Ocjena: P – Pozitivna, 0 – Neutralna i N – Negativna

OBE SEDMICE URGENTNO PISMO SAVJETU MINISTARA BiH

БАЊАЛУКА, 12. АПРИЛА (СРНА) - Министар правде Републике Српске (РС) Џерард Селман најавио је да ће ове седмице послати ургентно писмо Савјету министара БиХ са упозорењем да истиче рок за достављање списка имовине неопходне за функционисање заједничких органа БиХ.

Уколико за десетак дана не буде достављен списак, Селман је рекао да ће Влада РС предложити Народној скупштини да усвоји посебан закон о имовини.

"На основу њега престао би да важи Закон о забрани располагања државном имовином који је наметнуо високи представник 2005. године, а сва имовина која се налази на територији Српске била би укњижена као власништво РС", рекао је Селман "Вечерњим новостима".

Он је додао да продужетка рока неће бити, јер за то нема разлога.

"ОХР је одавно извршио попис имовине, Савјет министара је одавно упознат са тим, као и са ставовима Српске о овом питању од првог дана, тако да нема разлога да се рок продужава", навео је Селман.

Он је подсетио да су се на ОХР-овом попису имовине само у Бањалуци нашли стара зграда Владе РС, зграда Народне скупштине РС, Бански двор, Палата председника РС, а да је слична ситуација и у Приједору, Источном Сарајеву, Требињу...

"Имате апсурдних ситуација да су пописана нека дјечија игралишта као државна имовина. Ми смо на вријеме упозоравали и ОХР и њихову комисију да се на такав начин не може вршити попис. Жао ми је што је новац за рад те комисије неповратно потрошен и бачен", истакао је Селман.

Говорећи о раду правосуђа, Селман је рекао да је од 2005. године до данас буџет за рад правосуђа повећан за 100 одсто - са 53 на 102 милиона, а да се сваке године повећава број неријешених предмета - са 360 000 неријешених предмета из 2008. на пола милиона из 2009. године.

"На почетку, 2002. године, кад се ушло у реформу правосуђа, примијењени су европски стандарди на БиХ, а нису уважене реалности БиХ, па су, примјера ради, 54 судије у бањалучком Основном суду тада имале око 25 000 неријешених предмета, а ВСТС је утврдио да је у бањалучком Основном суду потребно 33 судија, па је већ прве године број неријешених предмета скочио на 50 000", навео је Селман.

Он је оцијенио да неефикасност од почетка прати реформу правосуђа у БиХ.